


嘉業堂
金石叢書

海東金石苑

第二冊

K87
9.



卷之四

三

卷之四

海東金石苑卷三

諸城 劉 喜海 輯錄

吳興 劉 承幹 校訂

唐高麗廣照寺真澈禪師碑

拓本下截損三十七字故高不可計廣四尺四寸七分三十六行行七十七字正書

有唐高麗國海州湏弥山廣照寺故 教謚真澈 下闕

門人元輔檢校尙書左僕射兼御史大夫權

知 下闕上闕 元臣李與相 敬書并篆額

昔者肉身菩薩惠可禪師每聞老生談天竺吾師夫子
言面□□□□達摩大師乃總持之林苑不二之川澤

也於是遠賈祖法

下關

梁而又進化魏朝往尋嵩岳非人

不授始遇大弘因物表心付衣爲信猶亦優曇一現泊
于五葉相承其道彌尊不令斷絕格於天鑒元學咸宗
殊見所生信衣斯止是故曹溪爲祖法永長流波□□
□滔天浩浩猶魯公之政先奉文王康井之風以尊周
室則知當仁秀出者唯二曰讓曰思寔繁有徒蕃衍無
極承其讓者大寂嗣其思者石頭石頭傳于藥山藥山
傳于雲巖雲巖傳于洞山洞山傳于雲居雲居傳于大
師傳法繼明煥乎本藉且曰

大師法諱利嚴俗姓金氏其先雞林人也考其國史實

星漢之苗遠祖世道淩夷斯靈多難偶隨萍梗流落熊
川父章深愛雲泉因寓富城之野故大師生於蘓泰
相表多奇所以竹馬之年終無口口年十二往迦耶岬
寺拔德良法師懇露所懷求爲師事自此半年之內三
藏備探師謂曰儒室之顏生釋門之歡喜是知後生可
畏於子驗之者矣則非久植宿因其孰能至於此然則
母氏初於有娠夢神僧來寄青蓮永爲徵信則知絕塵
合契懷日同符中和六年受具足戒於本寺道堅律師
既而油鉢無傾浮囊不漏棄門託位不唯守夏之勤草
繫懸心甯止終年之懇其後情深問道志在觀口結瓶

下山飛錫沿海軋寧三年忽遇入浙使崔藝熙大夫方將西泛侏跡而西所以高掛雲颿遽超靈浪不銷數日得抵鄞江於時企聞雲居道膺大師禪門之法肩也不遠千里直詣玄關大師謂曰曾別匪遙再逢何早師對云未曾親侍寧導復來大師默而許之潛愜玄契所以服勤六載寒苦弥堅大師謂曰道不遠人人能行道東山之旨不在他人法之中興唯我與汝吾道東矣念茲在茲師不勞圯上之期潛受法王之印以後

嶺南河北巡禮其六寧堵波湖外江西遍參其諸善知識遂乃北遊恆岱無處不遊南抵衡廬無山不抵謁諸

侯而獻剌投列國以觀風四遠叅尋遍於吳漢迺於天
祐八年乘查巨窳達于羅州之會津此際 大師一自
維舟偏宜捨筏珍重屏翳邇迤東征爰有金海府知軍
府事蘇公律熙選勝光山仍修堂宇傾誠願海請住煙
霞桃李無言稻麻成列一栖真境四換周星 大師雖
心愛禪林遁世無悶而地連賊窟圖身莫安所以乱邦
不居於是乎在十二季途出沙火得到遵岑永同郡南
靈覺山北尋謀駐足乍此躑躅緇素聞風歸心者眾矣
今上聞 大師道高天下聲盖海東想對 龍頤頻飛
鶴版 大師謂衆曰居於率土者敢拒 綸音儻遂朝

天者須霑顧問付囑之故吾將赴 都所以便逐 皇
華來儀 帝壤 上重光大業仰止高山所以脩葺泰
興請停慈蓋舉以明年二月中特遣前侍中權說太相
朴守文迎入舍都內院虔請住持無何迺飭 藥宮高
敷蓮座待以師資之禮恭披鑽仰之儀猶如西域摩騰
先陟漢皇之殿康居僧會始昇吳主之車遂以塵尾發
揮 龍顏欣悅其於瞻仰偏動 宸襟此時魚水增歡
不可同年而語哉他時乘閒之夕略詣禪扉問曰弟子
恭對 慈顏直申素懇今則國讐稍擾隣敵交侵猶似
楚漢相持雄雌未決至於三紀常脩二兇雖切好生漸

深相殺 賔人曾蒙佛誠暗發慈心恐遭玩寇之慙仍
致危身之禍 大師不辭萬里來化三韓救熱崑崗昌
言有待對曰夫道在心不在事法由已不由人且 帝
王與疋夫所修各異雖行軍旅且憊黎元何則王者以
四海爲家万民爲子不殺無辜之輩焉論有罪之徒所
以諸善奉行是爲引濟 上乃撫機歎曰夫俗人迷於
遠理預懼閻摩至如 大師所言可與言天人之際矣
所以救其死罪時緩虔劉憐我生靈出于塗炭此
大師之化也其後 大師自栖京輦頻改歲時每以注
目山川欲擇終焉之地隱霧之志懇到聞口天 上莫

阻道情潛憂生別思惟良久久乃許焉 大師臨別之
閒特披悲感云仁王引誓護法爲心遙垂外護之恩永
蓄蒼生之福所以長興三年下 教於開京西北海州
之陽遽擇靈峯爲構精舍寺名廣照請以居之是日
大師略領門徒就栖院宇學汴盈室禪客滿堂若馳歸
北海之居歟惠結東林之社所以誨人不勸如鏡忘疲
其衆如麻其門如市然則不資分衛唯免在陳此乃官
庄則分錫三庄供事則具頒回事况復近從當郡傍及
隣州咸發深心並修淨行則知花惟薝蔔如投寶樹之
園林是梅檀似赴菴蘿之會 大師先來於踏地備自

銓山師至魂交神來頂謁獻粲輸玉泉之供披誠指廬
阜之居其爲神理歸依皆如此類 大師謂衆曰今歲
法緣當盡必往他方吾与 大王曩有回緣今當際會
須爲面訣以副心期便挈山裝旋臻 輦下此時 上
甍驅龍旆問罪馬津 大師病甚虛羸任特不得詣螭
頭留語入雞足有期豈惟昔在竺軋迦葉別闍王之恨
曾於華夏伯陽舜開今之嗟而已矣哉明日肩輿到五
龍山頤使招諸弟子云佛有嚴誡汝曹勉旃清泰三年
八月十七中夜順化於當寺法堂俗年六十有七僧臘
四十有八于時日慘風悲雲愁水咽門下僧等不勝感

慕俱切攀號以其月二十日奉遷神座於本山窆于寺之西嶺去寺三百步雅奉遺教也士庶闐川香華溢谷送終之盛前古所無者矣

上乃旋在省方忽聞遷化爰切折梁之慟亦增亡鏡之悲自此特命親官遙申吊祭 大師風神天假智慧日新生知而眾妙會心宿植而玄機藏粹所以事惟善誘譚以微言引彼蒙泉歸於性海其柰山輝川媚秀氣難逃故始自光山終於弥嶺可謂栖遲兩地各分韞匱之珍屢止三河俱示摩尼之寶者矣傳業弟子處光道忍貞拙慶崇並昇上足皆保傳心或早牽尼父之悲或堅

護卜商之業所恨寶塔雖聳洪銘未刊然則扣不朽之
緣於在家弟子左丞相皇甫悌恭前王子太相王儒前
侍中太相李陟良廣評侍郎鄭承休俱早調夏鼎常艤
殷舟誠仁國之金湯亦法城之牆塹與昭元大統教訓
斷金相應深感法恩請贈大名以光禪教 詔曰可故
追謚真澈大師塔名寶月乘空之塔申 命下臣式揚
高躅彥摛才慙驚石學謝螢光以有限微才記 無
爲景行杳猶行海難甚緣山潛測高深莫知涯際爰有
門徒立照上人夙傳金口親奉玉音因趣龜文數臨蝸
舍所以得於無得聞所未聞譬涼月之遊空如猛風之

掃靄唯以數陳厚旨齊贊成功所冀翠碣披文感

國主亡師之憾豐碑相質嗟門人絕學之愁言莫慎諸
直書其事銘曰

禪宗之肩代代堂堂 人中師子世上法王 玄關闔

闕覺路津梁 遠從天竺來化海鄉 偉矣吾師生于

遼左 何陋之有豈論夷夏 冰姿雪膚言說溫雅

乘查兮雪浪中 問道兮雲居下 命之入室仍以傳

心 栖遲道樹優仰禪林 鯨津返棹忽遇知音 便

昇金殿欽仰殊深 卜地海壖曹溪接武 唯我導師

謂之慈父 忽歎泥洹天收法雨 贈謚兮感法恩

流慈兮光禪宇

清泰四年十月二十日立 刻字軍尹常信

石碑在朝鮮黃海道海州牧須彌山後唐清泰四年
十月崔彥撝撰李奐相書并篆額案東國通鑑清泰
三年王建立改號高麗改元天授至二十一年始行
後晉年號是王建初立未敢用其僞號故碑首仍署
唐清泰四年實則唐潞王從珂於三年已爲石晉所
篡改元天福其四年已是天福二年矣高麗未及知
而仍沿用耳彥撝初名慎之慶州人性寬厚自少能
文年十八游學入唐及第年四十二始還國拜執事

侍郎瑞書院學士新羅亡高麗王王建命爲太子師
委以文翰之任官院扁額皆所撰定官至翰林院令
平章事後晉開運元年卒年七十七謚文英李奐相
事實無攷

正譌字八今補釋全字半字各一

後晉高麗大鏡大師立機塔碑

石高五尺五寸廣二尺八寸
三十一行行五十八字正書

高麗國弥勒智山菩提寺故 教謚大鏡大師立機之

塔碑銘 并序

太相撿校尙書左僕射兼御史大夫上柱國臣崔彥

撫奉 教撰

門人正朝上柱國賜丹金魚袋臣李桓樞奉 教書

并篆額

釋氏之宗其來久矣伽譚日甚聖道天開然則八萬度
門重光三昧法嚴佛土成就衆生寂後涅槃之時付囑
之故獨以法眼授於飲光迦葉奉以周旋別行於世至
於鞠多偏能守護彌闡斯宗旨擊道存不勞口舌不可
以多聞識不可以博達知爰有達摩從此來儀本求付
法惠可傾誠雪立賢以傳心其後法水東流慈雲普覆
由是漕溪之下首出其門者曰讓曰思思之嗣遷遷之